



Broj: 01-5-01-6-567/25

Sarajevo, 29.5.2025. godine

Na osnovu člana 5. stav (2) Pravilnika o organizaciji i radu Arbitražnog suda pri Vanjskotrgovinskoj/Spoljnotrgovinskoj komori Bosne i Hercegovine (Službeni glasnik BiH, broj: 26/25), generalni sekretar Vanjskotrgovinske komore Bosne i Hercegovine objavljuje

JAVNI POZIV

kandidatima za izbor i utvrđivanje listi arbitara Arbitražnog suda pri Vanjskotrgovinskoj/ Spoljnotrgovinskoj komori Bosne i Hercegovine

I

Objavljuje se Javni poziv za izbor i utvrđivanje listi arbitara Arbitražnog suda pri Vanjskotrgovinskoj/Spoljnotrgovinskoj komori Bosne i Hercegovine, na period od 4 (četiri) godine, i to:

1. Liste arbitara za sporove u kojima obje stranke imaju sjedište, odnosno prebivalište na teritoriji Bosne i Hercegovine i
2. Liste arbitara za sporove u kojima barem jedna od stranaka ima sjedište, odnosno prebivalište na teritoriji druge države.

II

Kandidati za izbor na liste arbitara, moraju ispunjavati uslove predviđene Pravilnikom o postupku pred Arbitražnim sudom pri Vanjskotrgovinskoj/Spoljnotrgovinskoj komori Bosne i Hercegovine (Sarajevska pravila), objavljenim u Službenom glasniku BiH, broj 26/25, i to:

1. Kandidat za arbitra na Listi arbitara za sporove u kojima obje stranke imaju sjedište, odnosno prebivalište na teritoriji BiH mora ispunjavati sljedeće uslove:
 - a) da ima visoku stručnu spremu i najmanje 5 (pet) godina radnog staža u svojoj naučnoj oblasti nakon sticanja diplome visokog obrazovanja,
 - b) da je istaknuti stručnjak u svojoj naučnoj oblasti, te da ima relevantno znanje o arbitražnom rješavanju sporova,
 - c) da nije osuđivan za krivično djelo i da se protiv njega ne vodi krivični postupak.
2. Kandidat za arbitra na Listi arbitara za sporove u kojima barem jedna od stranaka ima sjedište, odnosno prebivalište na teritoriji druge države mora ispunjavati sljedeće uslove:
 - a) da ima visoku stručnu spremu i najmanje 10 (deset) godina radnog staža u svojoj naučnoj oblasti nakon sticanja diplome visokog obrazovanja,
 - b) da je istaknuti stručnjak u svojoj naučnoj oblasti, te da ima relevantno znanje o arbitražnom rješavanju sporova,
 - c) da nije osuđivan za krivično djelo i da se protiv njega ne vodi krivični postupak.

III

Kandidati se na Javni poziv prijavljuju dostavljanjem potpisane prijave u kojoj se obavezno naznačava da li se prijava podnosi za izbor na Listu arbitara za sporove u kojima obje stranke imaju sjedište,



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

odnosno prebivalište na teritoriji BiH ili na Listu arbitara za sporove u kojima barem jedna od stranaka ima sjedište, odnosno prebivalište na teritoriji druge države. Ukoliko se kandidat prijavljuje za izbor na obje liste, dužan je dostaviti odvojene prijave sa potrebnom dokumentacijom.

Uz prijavu, u kojoj je potrebno navesti ime, prezime, adresu, e-mail adresu, kontakt telefon i naziv i sjedište poslodavca (ukoliko je kandidat zaposlen), kandidat je dužan dostaviti i CV (biografiju), te dokumentaciju kojom dokazuje ispunjavanje uslova iz tačke II ovog poziva (u originalu ili ovjerenim kopijama), i to kako slijedi:

- a) diplomu o sticanju visoke stručne spreme;
- b) potvrdu o radnom stažu u trajanju od najmanje 5 (pet), odnosno 10 (deset) godina (ovisno o Listi arbitara na koju se kandidat prijavljuje), a koja će sadržavati detaljan opis poslova koje je kandidat obavljao, naznaku da se radi o poslovima za koje je potrebna visoka stručna sprema, kao i period obavljanja tih poslova;
- c) dokaz o posjedovanju relevantnog znanja o arbitražnom rješavanju sporova (diplome, certifikati ili drugi dokazi o učestvovanju u arbitražnom rješavanju sporova);
- d) izjavu o neosuđivanosti i nevođenju krivičnog postupka, ovjerenu od strane nadležnog organa (ne stariju od mjesec dana).

IV

Prijave na Javni poziv sa potrebnom dokumentacijom dostavljaju se u zatvorenoj koverti, lično na protokol Vanjskotrgovinske/Spoljnotrgovinske komore Bosne i Hercegovine, ili poštom – preporučeno, na adresu:

Vanjskotrgovinska komora Bosne i Hercegovine, ul. Branislava Đurđeva 10, 71000 Sarajevo, sa naznakom:

“Javni poziv kandidatima za izbor i utvrđivanje listi arbitara Arbitražnog suda pri Vanjskotrgovinskoj/Spoljnotrgovinskoj komori Bosne i Hercegovine” – ne otvaraj.

Kandidati su obavezni na koverti naznačiti na koju Listu arbitara se prijava odnosi.

V

Javni poziv će biti objavljen u Službenom glasniku BiH, u tri dnevna lista koji se distribuiraju na teritoriji Bosne i Hercegovine, te na web stranici Vanjskotrgovinske/Spoljnotrgovinske komore Bosne i Hercegovine (www.komorabih.ba).

VI

Javni poziv ostaje otvoren do 19.6.2025. godine.

Neuredne, nepotpune i neblagovremene prijave neće se uzeti u razmatranje.



GENERALNI TAJNIK

Mirko Bošković

